

Dr. Hamphill

3

DISSERTATIO MEDICA
INAUGURALIS,
DE
FLUORE ALBO:

QUAM,
ANNUENTE SUMMO NUMINE,
Ex Auctoritate Reverendi admodum Viri,
GULIELMI ROBERTSON, S.S.T.P.
ACADEMIÆ EDINBURGENÆ PRÆFECTI;

NEC NON
Amplissimi SENATUS ACADEMICI consensu,
Et nobilissimæ FACULTATIS MEDICÆ decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;

Eruditorum examini subjicit

JACOBUS CROWTHER, ANGLO-BRITANNUS.

JUPITER affectæ tandem miserere PUELLÆ!

Tam FORMOSA tuum MORTUA Crimen erit. Propert.

Ad diem 1 Septembris, hora locoque solitis.

EDINBURGI:

Apud ALDUM et RUDDIMANNUM Typographos.

M, DCC, LXIV.

OFFICE OF THE
SHERIFF

FLUOR ALCOHOL

FOR THE
SPECIAL INVESTIGATION
OF THE
FEDERAL BUREAU OF INVESTIGATION
AND THE
DEPARTMENT OF JUSTICE

THE
FEDERAL BUREAU OF INVESTIGATION
AND THE
DEPARTMENT OF JUSTICE
HAVE
CONDUCTED
AN
EXTENSIVE
RESEARCH
PROGRAM
ON
THE
USE
OF
FLUOR ALCOHOL
IN
THE
LABORATORY

THE
FEDERAL BUREAU OF INVESTIGATION
AND THE
DEPARTMENT OF JUSTICE
HAVE
CONDUCTED
AN
EXTENSIVE
RESEARCH
PROGRAM
ON
THE
USE
OF
FLUOR ALCOHOL
IN
THE
LABORATORY

THE
FEDERAL BUREAU OF INVESTIGATION
AND THE
DEPARTMENT OF JUSTICE
HAVE
CONDUCTED
AN
EXTENSIVE
RESEARCH
PROGRAM
ON
THE
USE
OF
FLUOR ALCOHOL
IN
THE
LABORATORY

VIRO EGREGIO,
GULIELMO CULLEN,

COLLEGII MEDICORUM REGII EDINENSIS

SOCIO DIGNISSIMO,

MEDICINAE ET PHILOSOPHIAE CHEMICAЕ,

IN ALMA ACADEMIA EDINENSI,

PROFESSORI CELEBERRIMO;

PRAECEPTORI SUO SUMMOPERE COLENDO:

PROPTER MONITA ET CONSILIA

IN STUDIIS

AMICISSIME COMMUNICATA;

ET OB INSIGNEM ERGA SE BENEVOLENTIAM:

Hosce primos Studiorum Conatus,

EO QUO PAR EST OBSEQUIO,

DICATOS VOLUIT

JACOBUS CROWTHER.

DISSERTATIO MEDICA

DE

FLUORE ALBO.

LEGIBUS hujus Almae Academiae, Specimen Inaugurale proferre iussus, de FLUORE ALBO differere mecum constitui: Non quod rem difficilem et impeditam prorsus expedire sperarem; sed quod in morbi maxime frequentis, et plerumque difficilis, studio, me exercere vellem. Ut industriam meam aequi bonique consulant Praeceptores optimi precor.

FLUOR ALBUS, qui etiam *Fluor Muliebris* et *Leucorrhoea* appellatur, est humoris serosi, mucosi, plus minus albescentis,

A

e

e vagina muliebri, effluxus copiosus praeternaturalis, nec tamen ex contagio ortus.

ADORITUR hic morbus foeminas adultas et mulieres, rarius juvenculas et virgines. Huic obnoxiae sunt laxae et debiles, quibus menses uberiores fluunt, quibus abortus frequentes, vel partus plurimi et difficiles, contigerunt. Primo plerumque apparet decedentibus mensibus, quae quasi decolores sensim fiunt; et humor serosus, per dies aliquot, stillare pergit. Apparet etiam quandoque paulo ante mensium accessionem; et, ingravescente morbo, totum tempus inter binas quasque periodos occupat. Tandem deficiunt menses; et humor mucosus e vagina perpetuo manare videtur, quovis mense tamen parum auctus. Humor, nunc aqueus serosus, nunc mucosus lentior crassior, aliquando pus refert: Plerumque albescit; sed, inveterascente morbo, in flavescentem et viridem aliquando transit. Sub initiis, humor odoris expers;

pers; perstanti autem fluxu, plus minus graveolet, vel etiam foetet. Initio etiam, plerumque mitis et blandus, neque calorem, tumorem, vel dolorem, in partibus excitat; procedente autem morbo, acris aliquando fit, in vagina et partibus vicinis dolorem et inflammationem facit; adeo ut urinae ardor plerumque exoriatur; pudendi labia tumore et exulceratione vexentur; et, ob dolores qui intus etiam persentiuntur, in utero et vagina ulcera adesse putandum fit. Comitatur huncce fluorem ingravescentem, lassitudo et dolor frequens in regione lumborum.

Hic morbus corripit, ut diximus, laxas et debiles; saltem, per tempus perstans, laxas et debiles omnino facit; adeo ut vix quaevis functio integra permaneat. Afficitur praesertim ventriculus: Languet appetitus, concoctio fit difficilis et prava; suboriuntur cruditates et flatus, cum morfu ventriculi, cardialgia, ructu acido vel nidoroso. Mur-
mura

mura ventris frequenter audiuntur, dolores colici frequenter vexant, et alvus plerumque tarda fit. Neque partes vitales non compati possunt. Respiratio, parva ac difficilis, et ad levissimum motum, praecipue per clivos ascendenti, fit crebra et anhelans. Pulsus, ut plurimum, debilis et frequens, saepe inaequalis et intermittens. Cor subinde palpitat, et deliquium animi nonnunquam incidit. Cum hisce adfunt etiam solidorum tenoris infirmati et flacciditatis summae indicia. Pallet facies, hebetantur oculi, tumet palpebrae mane, vesperi pedes et crura; tumor denique mollis et flaccidus totum corpus occupat.

HUNC morbum, cum non admodum gravis sit, diu tolerant foeminae: sed gravior factus saepe in exitium tendit; vel quod jugi fluxu tandem exhauriantur, vel quod aquis ubique effusis suffocatae intereant, vel denique quod, ob uterum intus exulceratum, tabe et hectica demum consumantur.

DIAG-

D I A G N O S I S.

HAEC ex historia modo tradita facile desumitur; et superest tantum, ut hic dicamus, quo modo FLUOR ALBUS ab aliis morbis illi similibus rite distinguatur. Hi autem sunt praecipue, Gonorrhoea virulenta et Ulcus uteri: Et primo de Gonorrhoea virulenta loquar.

SI materia, primo prodiens, tenuis cum lentore quodam et utcumque pellucida sit, et per plures dies persistet, eandem ad Fluorem Album pertinere putare liceat; cum, in Gonorrhoea virulenta, materia prodiens, si tenuis, plerumque sine lentore sit, et opaca puris formam quodammodo referat.

SI vero FLUORIS ALBI materies, uti quandoque solet, puris formam induerit, ex specie ejus haud licet distinguere; sed per symptomata conjuncta oportet. Si fluxus
igitur

igitur copiosior puriformis, cum ardore urinae, ac dolore et tumore partium, paucis diebus post cum viro congressum, apparet, Gonorrhoeam virulentam adesse nequidem dubitandum est: Cum Fluor Albus plerumque paulatim accedat, et aliquando sine quocunque dolore partium vel ardore urinae diu persistet. Si vero Gonorrhoea mitior utcunque fuerit, et illis symptomatibus vix stipata per tempus aliquod persistit, distinctio magis dubia evadat, et petenda est a symptomatibus Fluori Albo propriis; uti sunt dolores et lassitudo ad regionem lumborum, dolor et cruditas ventriculi, pallor faciei, et alia laxi systematis indicia; quæ rarius, vel vix unquam, in initio Gonorrhoeam comitantur. Et porro si accedant menstrua, vel cessantia, vel periodo incerta fluentia, et tum ante earum accessionem, tum immediate post discessionem, fluxus serofus auctus compareat, hunc esse Fluorem Album omnino putandum. Cum tamen haec omnia aliquando fallere possunt, distinctionem ad-

huc

huc magis certam adhiberi voluit illust. BAGLIVI; et notam hanc solummodo certam esse statuit, quod menstruis fluentibus persistet Gonorrhoea, dispareat vero Fluor Albus. At pace tanti viri dixerim, etiam hanc notam non ubique firmam et fidam esse, immo et aliquando fallacem omnino fieri. Nam non solum quod mensium fluxus, rubro suo colore Gonorrhoeam albam obtegens, de ejus præsentia omnino dubios nos reddat; sed etiam sub mensium fluxu, persistente humoris albi effluxu, hunc esse Gonorrhoeam virulentam affirmari non liceat, nisi in illa tantum Fluoris Albi specie, quæ ex iisdem quibus menses vasis exiit. Nam si Fluor Albus ex vasis vaginæ mucosis exit, ut, ad mentem Cel. FRIEND et MEAD, aliquando fit, hujusmodi Fluor, haud secus ac Gonorrhoea virulenta, sub mensium fluxu comparere potest. Cum tamen fontes Fluoris Albi, in plerisque casibus, incerti sint, hæc nota BAGLIVII raro adhiberi queat; et superest igitur, ad hos morbos rite internoscendos,

cendos, ut ad utriusque historiam, et ad symptomata cuique propria, animum attendamus.

Quod ad Ulcus uteri demum spectat: Hoc plerumque a Fluore Albo facile discernitur, ex eo, quod hic Fluor nullo dolore, vel alio inflammationis signo prægresso, accedat; Illud vero sine dolore et febre manifesta accedere vix potest. Fieri quidem potest, ut, persistente Fluore Albo, ab humoribus acribus, uteri cavum exasperantibus et erodentibus, paulatim, et sine febre valde manifesta, superveniant Ulcera uteri, quæ materiem, ab illa Fluoris Albi vix discernendam, effundant. In hoc casu quidem difficile foret, morbum diversum statuere; nec opus est ut statuamus; cum eadem erunt indicationes, sive Fluorem Album, sive Ulcus illi superveniens, respiciamus. Sunt tamen qui, in omni casu, inter Fluorem Album et Ulcus uteri, per diversum materiæ effluentis habitum distinguere volunt; et pus ab Ulcere

Ulcere stillans, a materie albida mucosa Fluoris Albi, discernendum putant: Sed, quantum novimus, non datur nota adhuc satis certa, qua pus verum a muco, in hoc et aliis morbis pus referente, distinguere valeamus.

CAUSA PROXIMA.

CAUSA Fluoris Albi in laxitate vasorum excernentium imprimis posita esse videtur. Haecce laxitas autem vel in vasis uteri solis, a causa quadam his peculiari labefactatis, vel in vasis uteri ex vitio corporis generali debilitatis. Hanc laxitatem facit, vel huic conjungitur, impetus fluidorum in uterum auctus, vel propter irritamentum utero soli vel toti corpori applicatum, vel propter fluida per alias vias exire prohibita, et ad uterum delata. His causis etiam conjungi quandoque potest fluidorum tenuitas, ex qua facilius per vias quasvis elabantur.

B

Quod

Quod hae sint causae Fluoris Albi proximae, intelligimus, vel ex consideratione causarum remotarum, vel ex ratione symptomatum: Ad illarum igitur considerationem nos nunc accingamus.

CAUSAE REMOTAE.

Hujus morbi causae remotae multae ac variae, apud auctores, recensentur. Earum autem plerasque hi auctores, ut opinionem theoriamque, quam sibi desponsaverant, tuerentur et firmarent, potius finxerunt et excogitarunt, quam experientiae et observationi, ducibus solis fidissimis, confidentes, et veritatem sciscitantes, revera invenerunt. Istiusmodi causis vero omissis; ad eas certiores tantum, quae apud auctores comprobatos reperiuntur, me conferam. Inter has, utpote praecipua et primaria Fluoris Albi causa, recensetur fluxus mensium et lochiorum immodicus.

Harum

Harum autem haemorrhagiarum uterinarum causa, vel est vasorum uteri laxitas naturalis et congenita, plerumque sanguinis tenuitati conjuncta; vel est vasorum eorundem motus oscillatorius adauctus, qui copiosiores fluidorum influxum concitans, vasa uteri dilatat debilitatque. Huc faciunt abortus frequentes, partus difficiles, aut violenta placentae dilaceratio et divisio. Quodcunque insuper systema corporis, in genere, stimulat irritatque, ut cibi aromaticis plenius conditi, liquores vinosi ac spirituosius, exercitationes immodicae, et affectus animi graviores et repentini; haec omnia, si, praesertim, circa tempora quibus menstrua muliebria fluere consueverunt, dum fluidorum circumeuntium confluxus impetusque naturaliter in uterum vergit, adhibentur, haemorrhagiam uterinam facile concitare queant. Sicut vero nihil ad systema in genere debilitandum, imbecillumque reddendum, magis immediate confert, quam sanguinis rubri evacuatio;

cuatio ; ita praesertim istas partes, unde fluxerit, ea debilitat : Et hinc compertum, quod uteri vasa, postquam fluxus sanguinis copiosior per ea promanare desierit, tonum pristinum lente, et vix omnino, recuperant ; sed diu laxa adeo et imbecilla permaneant, ut lympham tenuem serosam per ea facile perlabi permittant. Hinc facile patebit, quo pacto haemorrhagiae uterinae Fluori Albo causam praebeant.

INTER causas dein, fluidorum affluxum et impetum ad uterum augentes, merito recensetur venus immodica. Rem veneream, apud omnes fere concessum, emenagogam esse potentissimam : Quippe, sicut irritatio ab ea concitatur haud mediocris, ita quidem major erit humorum in uterum influxus, ab eadem saepius repetita ; praecipue vero, si, instante menstruum periodo solita, ea fiat, horum nimium fluxum facile provocare potest. Inde vero uteri tonus adeo infirmatur, ut, per vasa ejusdem

ejusdem laxa et dilatata, lymp̃ha tenuis et serosa diu permeare persistat. Porro usus veneris frequentior, non eo solum modo quo diximus, Fluorem Album ex uteri ipsius vasis provocare potest; sed etiam, cum ad glandulas uteri et vaginae mucosas affluxum humorum copiosum faciat, ex hisce etiam, fluxu nimis dilatatis et debilitatis, Fluorem Album ciere queat.

INTER Fluoris Albi causas, a plerisque recensetur denique mensium obstructio. Haecce a variis causis pendere queat; et praesertim ab iis, quae vasorum ora, e quibus menses promanare consueverunt, fortius constringunt. Si vero talis constrictio ad mensium tempora solita, et dum sanguine turgēt uterus, mulierem corripuerit, dolorem et tensionem in utero partibusque vicinis inferet, majoremque humorum adfluxum concitabit. Hi vero, cum per vasa solita transire non possunt, in vicina traduntur, in glandulas nimirum
uteri

uteri et vaginae mucosas, harum excretiones augere Fluorem Album, et ob vasa dilatata etiam perennantem citare, queunt. Hoc modo, mensium obstructio Fluorem Album utcunque excitare possit: Sed ego quidem existimo, mensium suppressionem a plerisque pro causa Fluoris Albi habitam fuisse, ex eo solum, quod, dominante Fluore Albo, cessat plerumque mensium fluxus. Nec tamen inde, Hunc Illius causam fuisse, concludere licet; cum probabile satis sit, mensium suppressionem, Fluoris Albi potius effectum quam causam esse. Cum enim verosimile admodum sit, menses ideo fluere, quod, de mense in mensem, sanguis in vasa uteri paulatim accumulatur; haecce autem accumulatio nequaquam fieri potest, nisi, post quemcunque mensium fluxum, vasorum ora constringantur, et accurate occludantur. Si vero, de quacunque causa haec vasa laxentur, ex iis perpetuo stillet Fluor Albus, nequaquam in iis accumulabitur sanguis; nec certis igitur periodis copiosius effluet.

CAUSAS

CAUSAS hujus morbi remotas nonnullas nunc addam, quae tales tantum existunt, dum simul utero alioquin affecto accedunt. Hujusmodi sunt, in aere frigido humidoque vivendi fors. Aer quidem frigidus, corpori circumfusus, meatus cutaneos constringit; et, perspirabilis, vias occludit. Sed, cum perspiratio fit, non solum quod viae ejus patulae sint, sed etiam quod aer materiem, tum per cutem transpirantem, tum ex pulmonibus exhalantem, solvat et abducat: Si aer jam humido repletus sit, materiem perspiratam nec solvere, nec rite abducere potest; et proinde aer, frigidus et humidus simul, perspirationem tum cutaneam, tum exhalationem ex pulmonibus, maxime et diu cohibet. Ob fluidum perspirabile vero retentum, sanguis magis tenuis evadit, et solida laxantur; et, ob perspirationis secretionem obstructam, aliae, et forte illa uteri, necessario augentur.

EVACUATIONES itidem aliae, quaecunque suppressae, in uterum laxum humores pellere,

pellere, et Fluore Albo causam praebere possunt. Hinc Cel. HOFFMANNUS, inter alias Fluoris causas, suppressionem etiam muci, de naribus solito fluentis, recenset; et merito quidem suppressionem lactis ex uberibus nutricum fluentis intempestivam, et, propter consensum insignem, in uterum derivatam, pro causa Fluoris Albi frequente, ponit Doctissimus ASTRUC.

QUICQUID denique corpus quodammodo laxat et debilitat, Fluori Albo viam sternere potest. Hinc potus aquosi calidi nimis copiosi, quales sunt infusa Theae et Coffeae, a mulieribus paulo plenius, uti solet, ingesta, tum totum corpus, tum praesertim ventriculum, et consentientem uterum, laxare, et Fluorem Album inducere possunt. Usus etiam lavationis calidae nimis frequens ad eundem multum conferre potest. Vita denique sedentaria, et somnus immodicus, laxitatem foeminis congenitam augendo, nec non vigiliae nimiae, tonum

ronum systematis nervosi debilitando, pro causis Fluoris Albi occasionalibus saepe haberi possunt.

HAEC vero causae occasionales facile fierent, dum uterus, natura laxus et spongiosus, ad congerendum humorem copiosum, et eundem effundendum, maxime praedispositus sit: Cum enim arteriae ejus tunicas pro ratione amplitudinis tenuiores et laxiores habeant, et adfluxui humorum magis pateant, dum, e contrario, venae ejus, valvis destitutae, tunicas pro ratione amplitudinis crassiores et validiores obtineant, et exitui humorum minus faveant; inde necesse est, adfluente humore copioso, et accedente simul causa quadam vasa uteri laxante, ut humores, per arteriolas laterales et in uteri cavum exhalantes, facile elabantur, et tum haemorrhagiam uterinam tum Fluorem Album faciant.

C

RATIO

RATIO SYMPTOMATUM.

Ex generali symptomatum conspectu, laxitatem uteri, et totius forte corporis, adesse, satis constat; et hoc nôsse sufficiat. Symptomata autem figillatim persequi, cujusque rationem reddere, quodque ex quo alio pendeat, et quomodo, dicere, cum sit opus fallaciae plerumque plenum, omnino fugiamus, et omisisse nos excusatos haberi speramus.

P R O G N O S I S.

FLUOR ALBUS, morbus ingratus, plerumque longus, et sanatu difficilis, nec tamen, sub initiis, periculo graviori stipatus.

PROGNOSIS omnino varia et diversa est, pro ratione corporis affecti status varii, pro ratione temporis quo morbus jam duraverit, et pro ratione denique effectuum quos morbus jam produxerit.

Imo, Pro

Imo, PRO statu corporis.—Si aegrotans, adhuc juvenis, probo corporis habitu fruatur, sique menses solitis et certis ideo periodis fluant, Prognosis laeta ac fausta omnino erit: Si vero corpus aegrae et uterus ejus natura imbecillia sint, si uterus, propter abortum frequentem vel partus difficiles debilitatus, haemorrhagiis jam obnoxius fuerit, omnino verendum est, ne Fluor Albus obortus in diuturnum et difficilem abeat; et, si forte cohibeatur, ne recidivus facile fiat. Si denique, corpore et utero ob causas dictas debili existente, menses vel irregulares fiant, vel prorsus evanescant, Fluorem Album sanatum difficillimum fore censendum est. Ad hanc rem etiam pertinent quae Dr. RUSSEL, in libro suo de Oeconomia Naturae, profert: “ Et saepe porro,” inquit, “ cessante menstruatione, glandulas uterinas, quae antea debiles inter menstruorum solum periodos esse videbantur; nunc magis undique, propter novam evacuationis illius jacturam, plenitudine onustas esse cernimus.

“ mus. Earundem etiam sphincteres *vim*
 “ suam *retentivam* amittunt; et, qui non
 “ admodum gravis ante fuit, Fluor Albus
 “ nunc mirè augetur, et glandulas, si diu
 “ maneat, morbidas reddit; saepe etiam
 “ in ulcerationes cancras terminatur.”

2do, PRO duratione morbi.—Si morbus recens, nec a causis gravioribus ortus sit, eum facile sanatum fore, sperare omnino liceat: Si vero diutius perstiterit, tum, propter consuetudinem, in quam devenerit, semper difficile mutandam, tum propter laxitatem, a diuturnitate Fluoris multum auctam, medela difficilis et incerta prorsus evadat.

3tio, PRO ratione symptomatum et effectuum quos morbus jam produxerit.—Hi effectus, pro natura partium quas occupaverint, et earum ad vitam necessitate, eventus salutaris spem vel sinunt, vel omnino tollunt. Si, integro igitur etiamnum corpore reliquo, morbus in utero solo existat, spem sanationis

nis fore putandum est. Si vero, simul cum utero, aliae et plures corporis partes laedantur, spes minor superest. Hinc, si canalis alimentarius afficiatur, et in functionibus suis multum turbetur, debilitatem hic periculofam, et in caeterum corpus mox transi-
turam, ostendit, et morbum aegre sanabilem indicat. Cum porro corporis debilitas, pallore vultus, et tumore leucophlegmatico variarum partium, se patefecerit, Prognosis omnino dubia, et plerumque infausta, restabit. Cum denique functiones vitales laesionem generalem participant, respiratio ad motum levissimum anhelosa fiat, palpitatio cordis frequens adsit, et deliquia animi incidant, aegram in maximo periculo positam esse, omnia eadem ostendunt.

IN omnibus vero casibus ubi Fluor Albus diu perseveraverit, incerta futura erit Prognosis: Cum fere periculi non-nihil interea restabit, ne uterum exulceratum aut cancrosum fecerit; unde fortasse exoritur

riatur febris hectica, symptomatumque plorabilium series longissima.

METHODUS MEDENDI.

Cum morbus recens sit, et a solius uteri laxitate, integro reliquo corpore, pendeat, Indicatio Curatoria sola erit, idoneum utero tonum restituere; et hoc fortassis applicatis tantum topicis fieri potest. Hujusmodi topica sunt, decoctum levius ex radice tormentillae, cortice quercino, vel gallis, factum, et frigidum ad spinam dorsi, cum utero consentientem, ope linteorum madentium applicatum; vel etiam tepidum in vaginam injectum. Priusquam autem decoctum injiciatur, non alienum foret, aquae modice tepesfactae aliquid immittere; ut materia mucosa, vaginae uterive lateribus adhaerescens, abluatur: Praestat omnino ut injectio immittenda leniter calefiat; ne nimis subitam in vasis uteri con-

constrictionem, ac proinde inflammationem, ciceret; vel forte, materiam exeuntem cohibendo, in glandulis mucosis indurationem faceret, quod tandem in schirrum cancrumve uteri abiret.

Cum vero morbus jam diu perstiterit, et non solum uterum, sed etiam caeterum corpus, labefactaverit, medendi rationem secundum Indicationes sequentes instituere oportet.

1mo, Primas vias a fordibus depurgare.

2do, Fluidorum copiam superfluam ab utero derivare; aut, ne humores in eum nimis copiose mittantur, prohibere.

3tio, Uteri, totiusque systematis, tonum restituere et confirmare.

INDI-

INDICATIO PRIMA.

Primas vias a sordibus depurgare.

UT Indicatio Prima perficiatur, ab emeticis incipiendum erit. Haec autem non solum symptomatum complura, nauseam, nempe, ventriculi morfus, flatus, &c. ablatis sordibus in ventriculo hospitantibus, feliciter tollunt; sed etiam, vomitione repetita, in systema valide agendo, humorum circumeuntium motum magis aequabilem reddunt; secretiones et excretiones pleraeque, praesertim perspirationem, promovent; et solidorum tonum ac vim contractilem adaugent. Hinc emetica tum huic Primae, tum aliis Indicationibus, multum conferunt.

AD emeticorum delectum quod attinet; Ipecacuanha lenissimum ac tutissimum, compluribus in casibus, pulcherrime respondet.

VITRIOLUM

VITRIOLUM ALBUM est emeticum, in hoc morbo, quasi utilissimum, apud multos decantatum; quippe quod, praeter emeticas, etiam astringentias dotes possideat, et ob has quodammodo valere potest. Quousque tamen medicamentum hoc innocuum sit, nonnihil dubium; quum zincum ferrometallicum, ex quo cum acido vitriolico conficitur vitriolum album, vim quandam deleteriam habere suspicatur. Quatenus autem haec suspicio ratione certa nitatur, ab experientia et observatione accuratius definiendum relinquo.

EMETICA ex antimonio confecta, quae sunt, tartarus emeticus, et vinum emeticum antimoniale, in nonnullis casibus satis idonea sunt; in iis nimirum, in quibus tum aegri temperamento robusto et minus irritabili gaudent, tum in quibus morbus, ab excretionibus suppressis, et vi quadam deferendis, pendet. Antimonialia enim impetu valido corpus universum concutiunt, D humores

humores exteriora cutemque versùs urgent, ab interioribus derivant, et secretiones plerasque augent.

CATHARTICA porro ad primarum viarum fordes eliminandas maxime conferunt, et in hoc morbo omnino adhibenda. Inter ea maxime huic morbo accommodatum putatur rhabarbarum; quod, postquam cathartici munere functum sit, vim roborantem plerumque exferit. Calomelas etiam rhabarbaro conjunctum saepe profuit.

INDICATIO SECUNDA.

Fluidorum copiam superfluum ab utero derivare; aut, ne humores in eum nimis copiose mittantur, prohibere.

APUD medicos ubique receptum, quod, dum aliam secretionem augemus, simul aliam minuimus; et in hoc axioma, indicationis

tionis modo institutae ratio omnino posita est.

MISSIO sanguinis Fluori Albo laborantibus raro necessaria, et vix unquam convenit. Cum in his enim adsit tum solidorum laxitas et debilitas, tum fluidorum tenuitas, missionem sanguinis vix ferunt. Si verò, in corpore paulo pleniori, sanguinis missio tuto, immo in rem fore, videatur, ab hac inchoanda cura est, et, antequam vel emetica vel cathartica praescribantur, instituenda.

Ad humores autem ab utero derivandos conferre possunt emetica et cathartica, jam dicta; si modo illa, commodis intervallis, prout aegrae vires ferant, iterentur. Ad eundem scopum maxime proderunt diaphoretica, quae sanguinis impetum non nimis augent. Fonticulis forsitan et fetaceis etiam hic erit locus.

Si denique Fluor Albus ex suppressa excretionē quavis ortus sit, vix, nisi restituta excretionē illa, cohibendus est.

INDICATIO TERTIA.

Uteri totiusque systematis tonum restituere et confirmare.

IN hunc finem faciunt medicamenta astringentia et balsamica, lavatio frigida, exercitatio, et victus idoneus : De quibus omnibus nunc figillatim.

MEDICAMENTORUM astringentium, roborantium, et tonicorum effectus satis compertos habemus ; modus autem quo hi muneribus suis fungantur omnino obscurus est. Cum interne illa adhibentur, dubitant medici, num, per lactea transeuntia, in vasa sanguifera deveniant, ita ut, cum sanguine circumvecta, in quamlibet partem cui immediate applicentur agere possint ; anne vero
non

non ultra primas vias transeant, in has solas immediate agant, et effectus suos tonicos cum corpore reliquo per sympathiam quandam communicent.

Cum lacteorum ora, per quae astringentia in vasa sanguinea deferri possint, janitore sensu custodiantur, verosimile est, ea ab appulsis astringentibus irritata fore, et introitum his praecludere; adeo ut, si omnino lactea subeunt, subeant tamen statu tam diluto, et tantilla proinde copia, ut vix ullos effectus evidentes, in partes ad quas postea devehantur, edere queant.

Cum porro effectus astringentia satis evidentes in primis viis exserant, et effectus suos, etiam in caeteris corporis partibus, quam pro ratione quantitatis in has delatae majores, et plerumque citius quam in has deferri possint, ostendant; verosimile omnino est, astringentia in primas tantum vias immediate, et in caeteras partes non nisi per sympathiam quandam, agere.

Sympathiae

Sympathiae hujus ratio forte hic a nobis exigi possit: Sed hanc reddere nequaquam valemus; et donec contractilitatis fibrarum motricium ratio, donec inter hanc et elasticitatem simplicem nexus mutuus, et systematis denique nervosi leges, melius innotescant, sympathiae ratio latebit; et hanc locum habere tantum novisse, contentos nos esse oportet.

QUIDAM, ne ad rem obscuram confugere opus esset, existimarunt, astringentia robur et tonum corporis ideo restituere, quod primarum viarum vitia corrigant, et ad probam chyli concoctionem, nec non ad succi nutritii optimi apparatus, faciant. Hoc quidem utcunque verum esse, et in casibus quibusdam locum habere, potest: Sed satis certo constat, effectus astringentium in multis evidentes fieri multo citius quam mutationes aliquas notabiles in fluidis contigisse putemus. Oportet itaque, effectus istos subitaneos in solida potius exstitisse.

CUM

CUM jam de astringentium et tonicorum vi et actione, in genere, satis superque diximus: De iis sigillatim pauca proferre nunc pergamus.

EX VEGETABILIBUS, inter optima et praestantissima roborantia, merito censetur Cortex Peruvianus. Medicamentum est astringens, amarum, et leniter aromaticum; appetitum ergo excitat, ventriculi concoctionem promovet, et, confirmato tono, flatulentiam coërcet. Intestinorum etiam motus regulares peristalticos restituit, et constrictiones eorum spasmodicas, vires instaurando, et irritabilitatem minuendo, tollit fugatque; effectus suos tonicos cum toto corpore communicat; sublata cordis et arteriarum mobilitate, pulsus fortiores, firmiores, et minus frequentes, reddit; excretiones naturales constantiores facit; praeternaturales autem et morbidas, restitutis systemati viribus, compescit et cohibet. Medicamentum hoc igitur, si quid aliud,

Fluori

Fluori Albo accommodatum est; cum hic morbus ab uteri laxitate, semper, et totius systematis debilitate, ut plurimum, pendeat. Hujus exemplum insigne Professor noster, Clar. MONRO, Pater, in Praxi sua Clinica, exhibuit: Foemina quaedam, Fluore Albo cum jam per triennium laboraverat, febre intermittente correpta fuit, et cum hanc febrem, persistente simul Fluore, per novem hebdomadas tolerasset, in Nosocomium Edinense recepta, et curae Illustr. MONRO tradita est. Hic, ut feбри intermittenti mederetur, Corticem Peruvianum aegrotae propinabat; quo per dies septem assumpto, non solum febris omnino fugata est, sed etiam a Fluore Albo liberata foemina penitus convaluit.

ADHIBEATUR, autem Cortex Peruvianus efficacissime in pulverem tritus. Cum vero hunc minus recte ferant quarundam stomachi imbecilliores; hisce plerumque corticis ex aqua decoctum propinari solet.

Monuit

Monuit autem Doct. LEWIS, corticis vires astringentes per infusionem frigidam melius extrahi posse: Et ex eo demonstravit, quod corticis infusum, solutioni vitrioli ferri admistum, colorem nigrum induat; decoctum autem hoc vix faciat. Infusum frigidum igitur decocto praestare censemus: Et porro, si sub infusione addatur spiritus vini pauxillum, quo resinosae corticis partis aliquid simul extrahatur, eo melius reddatur infusum; et spiritus vini cum salutari corticis intentione etiam apprime coincidet.

SUNT porro alia vegetabilia, in hoc morbo sanando laudata, et vulgo recepta. Cum haec vero memoratis corticis viribus haud superiora, immo longe inferiora, deprehendantur; cumque praesertim horum actio intra limites primarum viarum magis concludatur, nec cum reliquo corpore tam cito si omnino communicetur; ut haec nomine solo recenseantur sufficiat: Sunt igitur gallae, cort. querc. lign. Campechense,

E

terra

terra Japonica, cort. granatorum et rad. tormentillae.

Ex fossilibus autem petuntur alia astringentia & quidem valentia. Ita alumen, tum in haemorrhagiis uteri, tum in Fluore Albo, ut astringens, plurimo in pretio passim habetur. Cum sanguine draconis commistum commodissime adhibetur. Ita enim cavetur, ne alumen in ventriculo nimis cito solvatur, et vim emeticam exferat, quod seorsum adhibitum facere solet. Medicamentum hocce, in haemorrhagiis uteri sistendis, Dr. THOMPSON, in Tentam. Med. Edinens. plurimum collaudat; aitque, se etiam mirabiles ejusdem effectus in Fluore Albo compertos habuisse. Quibus convenit alumen, iis ferum aluminosum, Pharm. Lond. commodum gratumque erit remedium.

SUNT denique sales metallici complures, ex astringentibus potentissimi. Hujusmodi,

di, ex cupro, plumbo, vel ferro, cum acidis conjuncto, fieri possunt. Ita vitriolum caeruleum sive romanum, ex cupro et acido vitriolico conjunctis paratum, omnino astringens est; Cum vero acre simul et irritans sit, et turbas maximas in primis viis facile concitet, rarissime quidem interne adhibetur.

Ex plumbo confecti sales potentissime quidem astringunt, sed intra assumpti vix innocui deprehenduntur; cum constrictiones intestinorum obstinatas, angores colicos, membrorumque dolores, contractiones et tremores, saepe arcessant.

FERRUM denique, vel simplex in partes tenuissimas limatum, vel cum acidis quibusdam conjunctum, inter tonica et astringentia tutissimum et optimum censetur. Venter et organa chylopoietica roborat, tonum etiam et robur totius corporis instaurat, et morbis a debilitate et laxitate pendentibus optime medetur. Cum fer-
rum

rum autem simplex limatum exhibetur, actio ejus, utpote ab occurſu acidi in ventriculo plus minus deliteſcentis unice pendens, omnino incerta evadat. Ferrum vero rubiginofum, cum ab acido ventriculi promptius ſolvatur, ferro integro certius vires ſuas exſerit. Qui vero certius adhuc in ventriculum agat, jam acido conjunctus, ſeſe offert ſal martis. Aquae porro fontanae, quae, cum per ferri venas ſtrataque defluxerint, demum ferro refertae ſcaturiunt, Fluori Albo laborantibus apprime conveniunt. Sique aegrotæ interea ſeſe probe exercent, ferrum, quod aqua multa dilutum eſt, inde certius excretiones quaſcunque ſalutares promovebit.

BALSAMICORUM deinde vires apud ſcriptores medicos celebrantur, adeo ut de eorundem in hoc morbo efficacia dubitare vix liceat. Ex optimis autem cenſentur balf. copaiba et terebinthina. Parva quidem copia haec exhibentur; et, ob indolem refinofam,

resinosam, in fluidis nostris parum solubilia cenferi queant: Verumtamen satis certum est, ea sese eo usque in vasa nostra insinuare, ut odorem violas redolentem urinae communicent, et vires irritantes in viis urinariis aliquando ostendant. Fieri etiam potest, ut in partes hisce vicinas, in uterum nempe, agant, et vires exsiccantes ibi exferant.

GUMMI OLIBANUM, aqua solutum, a nonnullis etiam collaudatur.

INTER roborantia porro, et in morbis a laxitate et debilitate pendentibus, utilissimum cenfetur lavatio frigida. A repentina enim corporis in aquam frigidam demersione, fibrarum motricium contractiones vividiores et validiores excitantur, earum tonus vigorque augetur, et per totum corpus motus magis firmi et aequabiles redduntur. Ex hujus igitur remedii usu, in Fluore Albo sanando, beneficium maximum expectandum

dum est. Cavendum autem, ne in debilioribus ea temere adhibeatur, et antequam tonicis aliquamdiu adhibitis vires quodammodo instaurentur. Quoniam demerso in frigidam corpore, exteriora subito contrahuntur, et sanguis ad interiora magna vi pellitur; ni vasa interna huic impetui ferendo paria fuerint, et humores rursus ad exteriora pellere potuerint, congestiones et obstructions forte exitiales facile fieri possint. Foemina igitur, cum lavationem frigidam experietur, si post emersionem fuerit anxia cum pulsu parvo debili, nec color ruber ad cutem cito redierit, lavationem potius obfuisse quam profuisse timendum est; neque ea repetenda, nisi cum aqua minime frigida; et ad frigidiorum paulatim, prout aegrotae vires ferant, progrediendum. Immersione denique in quibuscunque rite peracta, cutis linteolis probe exsiccetur; et, frictione item continuata, perspiratio promoveri et morbus levare potest.

EXERCITATIO denique, rite instituta, ad corpus roborandum et partes quascunque firmandas, plurimum valet. In sanitate, cum ad morbos praecavendos maxime utilis sit, etiam, in morbis chronicis plerisque mendendis, omnino necessaria est. Fluidorum enim circuitum liberum et aequabilem promovet, excretiones salutares omnes expedit, congestionibus medetur, et toti systemati robur vigoremque impertitur; Fluore Albo itaque laboranti commode succurrit. Si vero aegrotata jam vires amiserit, et imbecillis omnino fuerit, ab exercitatione leni et modica incipere, et ad vehementiorem sensim sensimque progredi, debet. In exercitatione ad-eunda, caveat semper, ne stomacho cibus repleto, ne tempore vespertino, coelo existente frigido humidove, id fiat; et sub exercitatione caveat, ne ea ad fatigationem et lassitudinem, qua vires fortassis infringantur, procedat.

SUPEREST tantum, ut de VICTU, in hoc morbo idoneo, dicam. Cibus itaque solidus
et

et ficus, sed ad concoquendum facilis, nec ventriculo gravis, esse debet : In hunc finem, carnes animalium juniorum optimas esse putant multi ; sed experientia constat, carnes animalium adulatorum, illis juniorum, aliquando concoctu faciliores esse.

IN POTU, vetanda sunt infusa Theae et Coffeae, quae calida assumpta ventriculum et corpus caeterum laxant ; et, pro potu ordinario, sumatur aqua pura frigida. Nec tamen vinum omnino fugiendum ; sed rubrum, tum Gallicum, tum Lusitanum, vel purum, vel aqua commistum, modica quantitate subinde sumendum.

F I N I S.